

醫方類聚卷之一百七十八

癰疽門 九

玉機微義

瘡瘍

辛涼發散之劑

東垣黃連消毒散

方見本方

按元好問記云素飲酒於九月中患腦之



下項之上出小瘡後數日腦項麻木腫勢
外焮瘍醫遂處五香連翹至八日不下而



云不可速療十八日得膿俟膿出用藥或
砭刺三月乃可平四月如故予記醫經凡
瘡見膿九死壹生果如醫言則當有束手
待斃之悔矣乃請明之診且謂膏梁之變
不當投五香五香已無及當先用火攻之
策然後用藥以大艾炷如兩核許者攻之
至百壯乃痛覺次爲處方云是足太陽膀胱
之經其病逆當反治脉中得弦緊按之
洪大而數又且有力必當仗其所主而先

其所因其始則同其終則異可使破積可
使潰堅可使氣和可使必已必先歲氣無
伐天和以時言之可收不可汗經與病禁
下法當結者散之鹹以而火之然寒受邪
而禁鹹諸苦寒爲君爲用甘寒爲佐酒熱
爲國用爲使以辛溫和血大辛以解結爲
臣三辛三甘益元氣而和血脉淡滲以導
酒濕扶持秋令以益氣瀉火以入本經之
藥和而且爲引用旣以通經爲主用君以

黃芩黃連黃栢生地黄知母酒製之本經
 羌活獨活防風藁本防已當歸連翹以解
 結黃芪人參甘草配諸苦寒者三之壹多
 則滋營氣補土也生甘草瀉腎之火補下
 焦元氣人參橘皮以補胃蘇木當歸尾去
 惡而生地黄補血酒製防已除膀胱留熱
 澤瀉助秋去酒之濕熱凡此諸藥必得桔
 梗為舟楫乃不下沉投劑之後疽當不痛
 不拆食進體健如言服之投床入甦日出

乃寤以手捫瘡腫減七八至瘡痂斂都十
 四日而已世醫用拔豈無收効者至於治
 効之外乃能歷數體中不言之秘平生所
 見惟明之壹人而已詳見試効方

內托羌活湯

白芷升麻湯

內托黃

芪苳胡湯

內托黃芪酒煎湯

方並見東垣試効方

按已上諸方有脉病證治之例立方之旨
 皆垣東試効法也學者識之則臨病處方
 當有所據矣

當歸拈痛湯 方見諸瘡門

按此足太陽陽明三陰藥也東垣本處為

治脚氣濕熱之劑然世人用治已上諸瘡

甚驗故錄之

內托升麻湯 方見婦人門乳癰

按此足陽明厥陰藥也

散腫潰堅湯 方見瘰癧門 升麻調經湯 方見瘰癧門 連

翹散堅湯 方見瘰癧門

按已上三方本於經分用藥潰堅散鬱之

劑也

消腫湯 方見瘰癧門

按此足少陽例藥也人益益效

芫胡通經湯 方見小兒門癰疽

按此手少陰太陰足少陽厥陰藥也東垣

諸法類此者甚多茲不詳錄郭氏亦有治

瘰癧數方本攻裏內消之劑故附子後雜

方內

郭氏升麻牛旁子散 中和湯 方並見諸瘡門

按此並出足太陽陽明例藥也

機要方治結核耳前後或耳下頷下有者皆

瘰癧也 方見瘰癧門

辛平發散之劑

良方升麻和氣飲 方見諸瘡門

按此手足陰陽明經藥也五積散加減

法世俗多用之故收入蓋欲燥脾胃勝濕

和氣為治瘡之劑然臨證而不通變恐未

合宜也

當歸飲子 方見疥癬門

按此踈風熱之劑手足三陰藥也血虛者

不可缺此

聖濟物錄金針散 方見本方

按丹溪曰此藥治癰疽已破未破皆用直

劑領到潰處意謂當入群隊中用也

辛溫發散之劑

局方托裏十補散

黃芪 人參 當歸 各二 厚朴 桔梗

川芎 防風 桂心 甘草 白芷 各一錢

右咬咀水煎

謹按衛生寶鑑曰諸痛痒瘡瘍皆屬心火
言其常也如瘡盛形羸邪高痛下始熱終
寒此反常也固當察時下之宜而權治故
曰經者常也法者川也醫者意也隨其宜
而治之可收十全之功矣故此方用之於
癰疽初發或已發或內托然瘡證脉緩澁
或身倦惡寒熱少脉弦或緊絀者宜用之

散風寒助陽之劑也表裏氣血之藥若施
之於積熱熾毒更不分經絡時宜不能不
無悞也丹溪曰精要謂排膿內補十宣散
治未成者速散已成者速潰誠哉是言也
若用之於些小癰瘡與冬月時令儘用內
托之功若於冬月腫瘍用之亦可轉重就
輕移深於淺若潰瘍於夏月用之其桂朴
之溫散佐以防風白芷吾恐雖有參芪難
為倚仗比見世人用此者不分癰疽冬夏

無經絡無前後如盲人騎瞎馬半夜臨深地危哉

十六味流氣飲

方見居家必用

按此表裏氣血藥也復以疎風助陽之劑世俗多用之故收入非脉之洪緩沉遲緊細者不宜用此每見外科諸家載此往往不分經絡脉證不具時宜但云化毒消腫有云不退者加以補氣血之藥蓋又使人不能無疑也川有常觸類而長之可矣

郭氏神效烏金散治癰疽疔腫時毒附骨疽諸惡瘡等證若瘡黑陷如石堅四肢冷脉細或時昏冒譫語循衣煩渴危篤者服此汗之瘡起

蒼耳頭

五月五日午時收

小草烏頭

火麻頭

火

收木賊

去節蝦蟆頭

樺皮節

酥麻黃

去根

右晒乾各等分同入磁器內搥泥固濟炭火內從早煨至申分如黑煤色爲度碾爲末每服二錢病重者三錢用熱酒調下未

汗再壹服如汗乾却服解毒疎利之藥如
 修合此藥必選天晴好日於靜室中勿令
 雞犬猫畜及陰人見也又名首功玄黑散
 奪命丹 方見諸瘡門 蟾酥丸 方見瘡門
 按已上三方郭氏稱為首藥皆主乎發散
 散出太陽例後二方出少陰例然皆却劑
 也智者當較輕重陰陽之分取擇用之

東垣托裏榮衛湯 方見拔粹方

按此是三陽太陰經藥出桂枝例表裏氣

血之劑也

辛熱發散之劑

托裏溫中湯 方見諸瘡門

衛生寶鑑曰經云寒淫于內治以辛熱佐

以苦溫以姜附大辛熱溫中外發陽氣自

裏之表以為君羌活苦辛溫透關節炙甘

草溫補脾胃行經絡通血脈胃寒則嘔吐

吃逆不下食益智丁沉大辛熱以散寒為

佐瘡氣內攻氣聚而為滿木香陳皮苦辛

溫治痞散滿為使按此手足太陽陽明三陰經藥也

辛涼攻裏之劑

機要內疎黃連湯 方見諸瘡門

按此本黃連湯加大黃手足少陽足陽明太陰手三陰之藥也丹溪曰精要以大黃治癰疽之要藥以其宜熱拔毒第二論曰瘡始作皆須以大黃等藥極轉利之又排日不廢繼又自言患癰疽者每有瀉泄皆

是惡候此又不能無疑者也借曰前說用大黃恐因病體實而大腑秘結有積熱沉痛之疾者發也止可破結導滯推令轉動而已豈可謂極轉利之而且排日不廢若利下之後又與利藥恐非防微杜漸之意瘡之始作即周禮腫瘍之時也腫在肌肉若非大滿大實堅之證自當行仲景發表之法借五香湯為例散之於外何必遽以峻下之藥奪其裏自取其禍切詳河間謂

地之濕氣感則害人皮肉筋脉其在外者而內行其脉沉實當先疎其內以絕其源沉謂嘔哕心逆發熱而煩脉沉而實硬腫發悶皮肉不變色根深而大病在內藏府秘結當急疎利之宜黃連湯升服膏之貼次加大黃未效再加二錢以利為度如有熱證只與黃連湯無熱證少煎內托復煎散時時呷之如此則內外皆通血氣流行彼加大黃者自因體實而府秘也未當如

此之多

聖濟射于湯 方見本方

按此足陽明手太陰經藥也

托裏散 方見諸瘡門

按此足厥陰太陰陽明經藥也

破棺丹

按此仲景正陽陽明經藥也

瀉心湯 方並見諸瘡門

按此手少陰太陰少陽藥也出足陽明例

辛平攻裏之劑

郭氏瑞效丸治腸癰胃癰內積兼男子婦人積聚證

當歸 京三稜 檳榔 木鱉 川山甲

炒各壹兩 牡蠣 為末炒山甲都用 連翹 枳殼 炒各壹兩半

硃砂 焙 琥珀 各壹兩 巴豆 二十一粒去油 麝香 少許

右為末酒糊丸桐子大每服十丸至三十丸溫酒下臨卧再服如利動藏府減丸數大小便有膿血出者却用別藥調治之

萬靈奪命丹

郭氏又名延壽世濟膏口如意金丹口廣效保命丹口朱砂備急膏口三教濟世膏口仙授靈寶膏口聖僧慈救膏蓋實一藥也方見諸瘡門口口口

謹按郭氏用藥格式云凡人患壹切瘡腫

若脉在表者先服首功玄黑散或奪命丹

蟾酥丸之類選用汗之繼服廣效保命膏

或化毒涼劑下之若脉在裏者便只服延

壽濟世膏或破棺丹下之病屬裏不必汗

之故也如有頭瘡疽就便用朱砂備急

膏壹丸如黃豆大安於瘡頭上却用軟粘

膏藥蓋護之其瘡必破如瘡暈紫黑色外用宜毒散周圍敷住毒氣如瘡暈赤紅色用水澄膏敷之次日用緊峻碧雲錠子開了瘡口次用緊緩碧霞錠子去其耳肉稍淨却用緩慢碧玉錠子生肌搃名青金錠子不拘日數直待耳肉去淨單用膏藥貼之候膿水盡肌肉平方許貼生好肌斂口之藥若依此法免教人受刀剪針烙之苦如是無頭癰腫待膿成用針刺破方依法

收功也愚詳瘡之汗後或始有頭癰疽便用是藥後施錠子雖有次第然病體亦有積熱或風毒氣鬱等證若待開潰次第用藥及無頭癰腫待膿成用法而又不及東垣法之通變神速也如瘡潰動或結耳肉疔疽堅硬却次第用外治之法方可

幸熱發表攻裏之劑

飛龍奪命丹

方見疔瘡門

按此方世俗多用之故收入然香竄燥毒

之劑蓋無經不至者故能宣泄備汗吐下
三法病因食一切禽畜毒發所致及瘡脉
沉緊細數毒蘊在裏并濕毒用之神效但
世人多不分此更不審瘡之大熱大渴毒
氣熾發而脉浮洪在表及膏梁積熱之人
未宜輕舉况有以半夏代雄黃殊不知雄
黃治諸瘡及百節中大風中惡者之意此
與郭氏二方皆手少陰例藥茲則表裏法
也

辛平發表攻裏之劑

五香連翹湯

方見諸瘡門

按丹溪曰精要第壹論云不問癰疽瘡癰
虛實冷熱先與內托散五香連翹湯沉麝
湯等諸方不冷不熱不問老幼少壯陰陽
虛實冷熱多服爲妙夫癰疽瘡癰臟腑陰
陽有淺深虛實冷熱用藥有補瀉溫涼老
幼少壯其稟受厚薄形志苦樂隨年歲而
增損奈何欲以不冷不熱四五方而通治

之以多服為妙此不能無疑也學者當審
經絡察病機而處治大抵豈可仗此為通
治之法

辛涼發表攻裏之劑

千金漏蘆湯

方見諸
瘡門

按此出陽明例藥也驅積熱蘊於表裏之
劑

防風通聖散

方見諸
風門

按此表裏氣血之藥也治壹切風毒積熱

瘡腫脈候弦洪實數浮緊氣血盛實者不
可缺此見近有秘傳外科家方以是藥加
人參赤茯苓黃芪蒼朮金銀花名消腫托
裏散雖以參芪為主復云人參無亦可蓋
使人不能無疑而難用也且臨證加減須
較表裏之法如表證多者當從此方以辛
甘為主散之也裏證多者方可從變故此
分辛溫辛平辛涼之異

內托之劑

類聚

十四

機要內托復煎散五香湯

方並見諸倉門

按丹溪曰或問內托之法古人有行之者乎曰河間治腫焮于外根盤不深形證在表其脉多浮病在皮肉非氣盛則必侵于內急須內托以救其裏宜復煎散除濕散鬱使胃氣和平如或未已再煎半料飲之如大便秘及煩熱少服黃連湯如微利及煩熱已退却與復煎散半兩如此使營衛俱行邪氣不能內傷也然世俗多用十補

散論已見前

聖濟托裏湯

方見本方

按丹溪曰精要謂內托散晝日至三日之內進十數服防毒氣攻衝臟府名護心散切詳菉豆解丹毒又言治石毒味甘入陽明性寒能補為君以乳香去惡腫入少陰性溫善竄為佐甘草性緩解五金八石及百藥毒為使想此方專為服丹石而發疽者設不因丹石而發疽恐非必用之劑又

次與五香連翹湯射干散散結氣消瘀血
夫善於驅逐以五般香竄佐之與漏蘆湯
相間大黃爲佐雖各有黃芪漏蘆甘草之
補果能免驅逐之禍乎况大黃入陽明太
陽性走而不守瀉諸實熱以其峻捷有將
軍之名癰疽因積毒在臧府非壹朝夕今
發於外宜以標重爲治常先助氣壯胃使
根本堅固而行經活血爲佐參以經絡時
令仗毒氣外發此正仲景解表用麻黃桂

枝之意治施之早可以內消此乃內托之
本意與夫年老耆病深者證備耆體虛者
菘豆雖補將有不勝重任之患矣嘗治壹
婦人年將七十形實性急而好酒腦生疽
才五日脉緊急且瀉急用大黃酒煨細切
酒拌炒爲末又酒拌人參炒入姜煎調壹
錢重又兩時再與得睡而上半身汗睡覺
病已失此亦內托之意又壹男子年五十
餘形實色黑背生紅腫及胛骨下痛其脉

浮數而洪緊食亦嘔正冬月與麻黃桂枝湯加酒黃柏生附瓜蒌子甘草節羌活青皮人參黃芩半夏生姜六貼而消此非內托之意歟如此者非壹不敢悉具

郭氏定疼托裏散乳香止痛散

方並見諸瘡門

按丹溪曰精要癰疽敘論云初覺則宜熱拔毒癰疽敘既潰則排膿止痛豈瘡之初作無痛耶已潰之後痛又甚耶每見瘡之作也先發為腫氣血鬱積蒸肉為膿故其

痛多少瘡之始作時也膿潰之後脾退肌寬痛必漸減而反痛者此為虛也宜補之亦有穢氣所觸者宜和解之亦有風寒逼者宜溫散之審此則已上三方巨有所取

擇矣

東垣黃芪人參湯

方見諸瘡門

按此手足太陰例藥也

聖濟竹葉黃芪湯

方見本方

按此手少陰太陰足陽明藥也

托裏黃芪湯 東垣聖愈湯

按已上二方手足太陰之劑一氣分一血分藥也

內補黃芪湯 方並見諸瘡門

按此手太陰例藥也補氣血滋陰助陽之劑

聖濟透膿散 方見瑞竹堂方

按瘡腫有於皮肉厚處發者此法恐不能及用者審之

外治之劑

郭氏青金錠子

代銅綠 三錢 青礬 身 膽礬 輕粉 砒霜 白

丁香 各壹錢 苦葶藶 各壹錢 腦子 各少許 麝香 各少許

右將葶藶研細次下餘藥同研極細打稠糊爲錠子或煉蜜加白芨末壹錢爲錠如

麻黃粗細約二三寸長看瘡口深淺維入疼者可治不疼難治干去麻川林藥土

第壹般緊峻碧雲錠子砒霜生開瘡口用

第二般緊緩碧霞錠子砒霜煨去死肉用
第三般緩慢碧玉錠子去砒加枯礬生好
肉用

翠霞錠子信效錠子方並見諸瘡門寸金錠子方見瘡門

紅玉錠子方見諸瘡門提丁錠子方見瘡門

翠青錠子又名善效錠子治腦疽發背惡瘡

并潰爛追膿水長肌

銅青四錢明礬枯韶粉乳香別青黛各一錢半

白斂輕粉各一錢麝半錢杏仁三七粒別如

有死肉加白丁香壹錢半

右研細末稠糊為錠子或糯米飯和亦得

看淺深雜之直至蒼平復尤可用之大有

神効如前數方不宜多用謂犯生砒也此

藥無毒恐病家猜疑是毒藥請口內嘗之

為憑也

搜膿錠子先用追蝕等錠子蝕去可肉惡物

止有膿水皆宜用之

自然銅 川芎 白芷 各半 黃連 白斂

各二木香壹錢麝香許少

右為極細末糯米飯和為錠子用之或作

散未乾土亦佳

守効散方見疔瘡門時效針頭散方見諸瘡門神聖換

肌散方見瘰癧門

雄黃散治癰疽發背紫暈疼痛不止

粟米小粉三兩草烏十兩星四兩絡石六兩百

合各一兩白芨三兩乳香沒藥雄黃小黃

川各半

右極細末溫水調敷之

水澄膏金黃散乳香散輕粉散方並見諸瘡門奇功

散方見瘰癧門立應散方見金瘡門祛風散方見諸瘡門聖

濟方治疔瘡方見瘡門走馬散乳香善應膏至

寶玉連膏方並見諸瘡門

收斂之劑

生肌散紅玉散完肌散方並見諸瘡門

臞仙活人心

瘡毒玄靈散治諸般惡瘡發背發腦發髮發

髭疔瘡魚臍瘡一切腫毒並皆治之

菖菴草 蜜七箇燒灰乳香壹錢

右為細末每服二錢用無灰酒調熱服如
毒重連進三服得汗為效後用連翹飲連
翹敗毒散有熱加大黃微利壹二行為效
瘡毒天漿治疔腫癰疽發背并壹切無名腫
毒

野紅花即小薊也菖菴草 五葉草俗名五爪龍

右搗細用好酒壹碗鍋內滾熱加大蒜壹

箇搗細入內汗出速效大忌風

運化玄樞

季冬之月收猪脂勿令經水新器盛埋亥地
百日治癰疽可煎膏用之

壽域神方

治癰腫柳枝如手指大長三尺二十根水煮

令極熱以故布裏腫處取湯熱洗之即愈

壹方備預百要方用鵝卵石猛火燒令赤

淬醋中十餘度候石碎碾為末

百要方取屑日乾

醋調敷腫處妙

治癰發十數處醋調竈心土塗癰腫上神効

治癰疽發背用皂角去皮弦蜜炙二三次打

爛為丸如芡實大每服七丸蜜湯食後送

下妙

治癰背未成者不知頭在何處以濕紙搭上

先乾處熱氣冲上是瘡頭也就於痕上灸

如先疼痛灸即不痛如先痒至痛為度衛生

易簡方

治癰背用石灰壹斤馬齒莧壹斤連鬚葱壹

斤搗為壹處作麩陰乾如用時搗為細末

以爛飯攤作膏藥將麩子操在飯上以槐

陰土煨過為末操於麩上仍用指甲燒

灰為末操於槐陰土上敷之如乾以好茶

末隔膏藥掃土勿令乾

治癰疽發背丁瘡及無頭惡瘡用川烏頭不

拘多少為末以新蟾酥為丸如黍米大每

服三丸用葱白壹根批開入藥在內灰火煨熟嚼爛熱酒送下被蓋出汗為度
 治一切癩疽疔腫無名毒瘡用鐵姑葉經霜桑葉大青葉山柝葉芙蓉葉碾為末用清油蜜水調敷瘡上如破敷四邊收瘡口用無名異蜜陀僧乳香沒藥雄黃血竭共碾為末瘡乾用清油調瘡濕乾操
 治羊疽瘡有虫痒衛生易簡方治腫毒炒桑粉合黑雞彈白和塗絹帛上貼癰仍於帛上作壹小

口洩毒氣燥換之妙

一方用鍋底墨研細以雞彈中黃和塗之妙
 一方用黃栢為末以雞彈白和厚塗之乾再換

治癰疽及髮疽用馬鞭草血見愁草菴草
 牛膝根同搗爛敷貼四圍腫處妙
 一方用菴草為末每服三錢熱酒調服汗出則愈

治癰疽發背腫毒等瘡用小榆葉有刺者洗

淨不拘多少擣汁用黃丹調敷瘡上腫消
爲度

壹方用新栢葉去枝梗兩手壹握洗淨用朴
硝膏勻同入臼內杵之旋加清水扭取自
然汁半升先令病人飲三兩日後將此汁
用雞翎掃於患處中間留壹錢圍四邊頻
頻掃之不過半日其腫自除或壹日卽愈
更將原瘡刺開出膿妙

壹方用茜草焙乾爲末煎葱白湯洗瘡將絹

帛拭乾用香油調塗立効

骨癰卽多骨瘡不時出壹細骨乃是母受孕
未及壹月與六親骨肉分上他人相交故
感其精氣有二故有多骨之生也用蜜陀
僧爲末以生桐油調成膏攤於稀絹帛上
貼於患處妙

有人下紅白痢服痢藥久不止者識者曰非
痢也此腸癰也用乳香萬應膏丸如芡實
大每服十九丸用乳香湯送下極妙

類聚方
三五

令膿血盡以細穰貼之効

治癰疽發背乳房川茱萸壹升搗爛黃酒和

貼

治壹切癰腫風癩用芭焦根搗傅乾即更上

治一切腫用紅花搗汁服之不過三服便差

治瘡癰蛇虫等毒用青黛大黃末雞子清調

塗

治癰毒無頭用蜀葵為末傅之

治諸腫毒用大黃末飛丹末醋調塗

治腫毒惡瘡用久陳米蒸作飯和醋研封腫

治癰腫惡瘡用露蜂房燒末醋調塗乾更上

亦煎湯洗

治諸腫失治有膿用蛇蛻皮燒灰水和封腫

正即膿出

治熱毒癰腫用赤小豆為末雞子白調塗亦

兒急黃爛瘡煮洗汁不過三度差煮食令

治熱毒癰腫用赤小豆為末雞子白調塗亦

兒急黃爛瘡煮洗汁不過三度差煮食令

治熱毒癰腫用赤小豆為末雞子白調塗亦

兒急黃爛瘡煮洗汁不過三度差煮食令

類聚方
類聚方

三五

人美食開心孔去煩熱止小便數

治疔切腫毒用大豆和飯搗塗及煮食之亦

下熱氣解諸藥毒消腫和桑汁煮下水鼓

治腹脹

治壹切癰疽用冬瓜削壹大塊置瘡上熱則

易之分散熱毒氣甚良

治癰腫癩毒內攻未出膿者用葵子水吞三

五枚遂作竅膿出壹力吞葵子白粒當日

瘡頭開

治癰毒無頭用蜀葵杵傅之

治發背用石葦炒為末冷酒調服○備預百

要方發背消 內服方右 以水微潤之

與背黃 盡 不盡效 陰 微炒為末以冷

酒調服發背殊効

治癰疽發背乳房初起微赤用黃蘗末和雞

子白塗之

治壹切腫毒用白斂赤小豆莽草為末以鷄

子白調塗又白斂療湯火瘡生肌止痛

治乳石發動小便閉澁心神悶亂用舂底青
苔如雞子大以水壹盞煎五分去滓溫服
日三四服

治一切熱毒腫用樟柳根和搗少許爛搗傅
之日再易

治癰腫喉痺蛇虫狂犬等毒並宜用紫荊煮
汁服之亦可洗

治腫毒已潰未潰者用鹿角膠一片水漬軟
貼腫當頭上開孔若已潰還合者膿當被

膠急撮出盡未有膿者腫當自消矣

治發背初生用升麻三兩爲末水三升煮壹
升分三服不拘時便定

治一切癰腫發背初出疼痛難忍用栝樓根
爲末每服三錢井花水調下不拘時又以
唾調貼之

治發背疽有膿用栝樓馬齒草蛇皮燈草胡
桃仁共研以少許水攪勻地上掘一坑量
瘡大小深五六寸置藥在內令患人以瘡

類聚頭方
對坑仰卧四邊壅迎無令透風須臾膿水
追入坑內其瘡便回大妙
治癰疽發背初起即用蒜一片厚二紙置痛
處以熟艾灸二十七壯
治腫毒疼痛用香白芷末水調傅
又方用白芙蓉葉晒乾同皂角為末水調塗

治腫毒惡瘡先用連翹煎湯服卽以白欵赤
欵搗如泥傅瘡上乾者用醋調
又方用迎春花為末酒調服出汗卽愈
治癰疽用康楊樹上所生蛾耳胡椒炒各
五錢枯凡三錢共為末男子患用妳女兒
乳調藥女人患用妳男兒乳調藥傅瘡上
若瘡先潰開者以漿水洗之傅瘡邊有紅

治癰疽發背初起即用蒜一片厚二紙置痛
處以熟艾灸二十七壯
治腫毒疼痛用香白芷末水調傅
又方用白芙蓉葉晒乾同皂角為末水調塗

類聚醫方
卷之六

七

暈以細茶嚼傅暈上一宿自消

治發背疼不可忍用龍牙草些小水和搗汁

飲之滓傅瘡上卽愈

治壹切癰腫惡瘡初發之時用葶草葉陰乾

爲末以井花無根水順攪成膏貼之乾則

以雞翎再上水若惡心用末壹錢迎春花

末一味冷水調服

治發背疔腫用川芎甘草香白草各八兩干

年石灰十兩共爲末壯人八九錢小弱二

三錢冷水壹碗以香油二三錢傾水碗內

其油自浮將藥末徐徐摻在油上務使藥

末蓋了油沉水底爲度去水存多半茶鍾

銀釵調開隨服下於煖處用絲衣蓋覆出

汗如瘡熱盛再服大汗之其效如神

又方用臘月猪膽一箇裝陳石灰陰乾以紫

花地丁放在鐵管裏炒成灰再以新猪膽

一箇調前藥先用茶清洗淨以鵝翎掃瘡

卽上立効

治一切癰腫瘡癤用露蜂房蛇蛻淨洗火灸
乾并女子髮先以油熬槐柳桃梅桑條約
味出搗去下前三味熬成膏用絹帛攤貼
極効膿瘡用臘紙攤

治發背癰疽惡瘡疔腫疥癬及遍身生瘡如
蛇頭護膈膜用生白礬爲末每壹兩用黃
蠟七錢鎔開和勻丸如桐子大每服十九
至二三十丸不拘時米飲或溫熟水送下
如未破則內消已破則便合如服金石藥

中毒亦宜服此又治嗽化痰用人參五味
子湯臨臥服

治癰疽疔腫惡瘡用紫花地丁草連根與蒼
耳草等分搗爛好酒壹鍾絞汁溫服乾末
酒調三四錢服甚効亦療黃疽癰疽
又方用野菊花蒼耳草各壹握共搗以好酒
膏礬返絞汁溫服瘰癧患處仍令汗出卽
愈六月六日採蒼耳九月九日採菊花陰
乾爲末酒調三錢服亦効

治發背疔瘡便毒等證用川烏草烏各壹箇
新瓦壹箇新汲水壹桶將烏頭并瓦俱浸
水內候瓦透將烏頭於瓦澁面磨成膏就
磨藥手桃藥貼於瘡口周圍如未有瘡口
膏漫塗藥如三四重紙厚上用紙條透孔
貼蓋如藥乾用雞翎蘸水掃濕如此不過
三度

治瘡內有膿不能自出川白芍藥三錢川芎
壹兩白芷壹兩輕粉三錢爲細末瘡平者

搽藥在止深者用紙撚蘸藥入瘡口內
治諸瘡口不合生肌用白歛赤歛黃藥俱炒
各三錢輕粉壹錢爲細末用葱白漿水淨
洗上藥

治背疽搭手膿瘡疔腫諸惡瘡用葱白馬齒
莧石灰各壹斤共濕搗爲團陰乾爲細末
貼瘡如有死肉宜先用潰死肉藥
治諸瘡疽有死肉者用此潰之用炊飯尖半
兩作三等壹等半兩用巴豆二箇壹等半

兩入巴豆三箇壹等半兩入巴豆五箇各
研爛搥作白挺子先用二巴豆者內瘡如
不潰再用三巴豆者又不潰用五巴豆者
更用丹砂炒紅色搽瘡口追出青水其惡
肉未盡至追出赤水是惡肉盡使用上藥
貼之

治諸腫惡瘡用黃丹白礬飛各半兩為細末
乾搽瘡口土却用後藥貼之
用巴豆四十九箇別研慢火熬熟金脚信

二錢雄黃三錢輕粉半匣硃砂麝香各二
錢為末用黃蠟壹兩半化開將藥和成錠
子冷水浸少時取出旋捏作餅子如錢眼
大將瘡頭撥破每用貼壹餅子次用膏藥
封貼若瘡氣透裏危者服後藥

又用大黃壹兩半甘草二兩三稜壹兩半山
梔二兩半牽牛末二兩為末煉蜜丸如彈
子太每服半丸食後酒半盞研化服之忌

高冰水

治壹切腫毒用野葡桃根紅者去粗皮爲末
新水調塗腫上頻掃新水腫自消散

治諸瘡腫無頭者用蛇退皮於腫處貼之
又方用皂角刺燒灰陰乾爲末每服三錢酒
調嚼葵子三五箇同吞下

治瘡口不合用白歛定粉等分黃丹少許爲
細末洗淨瘡口乾貼卽生肌歛口

治諸腫毒疔腫惡瘡用菴蓂草一握入白礬
指大壹塊乳香少許葱白三莖姜一小塊

同搗酒壹椀絞汁熱服滓傳患處得汗爲
効

治壹切腫毒癰疽潰膿未破者將濕紙蓋腫
上看先乾處是頭以藥一粒點之卽破用
新石灰木柴灰各六兩牡蠣灰壹兩無亦
可三味合作壹處用井花水三四椀共滾
數沸以紙二層放單篋內濾去滓澄清又
熬將剩一盞以硃砂壹錢傾入鍋內合之
待乾用刀頭刻起以薙器盛之量瘡大小

用神効待膿水出盡以生肌藥收口

牛肌散用寒水石不拘多少以揅泥包裹炭火煨之黃丹少許水飛過用皮紙擡於火上烘乾色變爲度共研極細用

治瘡初發背脇間未辨癰疽卽皮光赤疽則皮內紋起不澤並以赤皮蒜切片厚壹分覆瘡正中以艾灸初痛灸至不痛不痛灸至痛無不効者并膏切惡瘡疥蛇虫沙虱溪毒并研傅良

治癰疽發背用大金星鳳尾草葉根酒煎服亦解硫黃丹石毒

治熱毒癰腫用杜天麻莖葉搗傅之

治癰疽惡瘡用營實卽薔薇搗傅亦服生肌

長肉

治癰疽發背用五葉藤搗爛罨患處立差

治癰腫瘡毒狗咬用腫見消苗葉爛搗貼之

治癰毒惡瘡用紫金藤搗爛罨之

治腫毒用大黃末傅患處

治發背番白草卽海菖蒲和根搗爛罨患處
立效

治癰疽惡瘡小兒丹毒腹內熱結用連錢草
搗汁服之立差

治癰腫熱悶口乾用芭蕉根搗汁服及腫毒
遊風研傅之

治暴赤腫用榆皮三兩搗和三年醋渣封之
日六七易

治諸毒熱腫及蛇毒用馬兜零根木磨爲泥

封之日三四易立差

治諸腫毒用生姜壹塊面東擲過梁落地就
於落處陽日畫圓圈陰日畫方圈以姜蘸
好醋於圈內磨取地上泥於鉢內入大黃
甚硝末同姜研爛傅腫處留瘡口毒自出
治發背癰疽疔腫惡瘡用芝麻稗不拘多少
燒灰存性以滾水浸灰用木棒攪百上下
少時以草紙襯竹籬淋汁盡再燒熱又淋
過却澄清汁入鍋熬約十椀熬至二椀却

用新石灰研細不拘多少裝甕罐內以前
汁傾些入罐用竹木杖急攪壹二百下又
傾餘汁入罐約四指高浸之勿令乾過三
七日用又可點疥子用時不可多只用壹
米粒許置紙上滲去汁水點毒瘡頂上卽
時腫消如腫或瘡破者用手按實硬處點
些小卽瘳仍服托裏散用鹽霜梅多年者
五七箇或十餘箇搗爛以井花水壹椀逗
勻生絹濾汁飲之卽愈

又方用蕎麥灰灰條稗灰石灰旋風草灰其
草於三月上旬丙丁日連根拔焙乾燒灰
四味不拘多少務勻停每升灰用滾水二
升泡於桶內淋出汁晒春三日夏二日秋
四日冬五日入鍋慢火熬至七分復入小
銅銚內熬成膏入黃丹攪勻以甕器盛之
如不濃添石灰攪不問年深久近無名惡
瘡癩癧麻靨瘤子起出刺字用藥點之其
効如神凡點惡瘡紅血出者再點至黑血

出就用紙封瘡口卽愈若點上就出黑血者難療痔瘡在內用紙裹藥點之起字用刀輕刮字畫上塵垢以藥勻塗用紙封上三日冷水洗之鐵鍋熬藥起字不得治貼骨瘤牙癰壹應膿水不干者用穿山甲二十片麩半升同炒泡起後入牛蒡子四兩共炒色黃爲度播去麩爲末每服三錢好酒調病在上食後服在下空心服治熱腫用山豆根水磨濃汁塗乾卽更塗

治發背腫毒乳癰惡瘡用大黃白芷各四錢酒水各壹鍾煎至一鍾服如惡心先飲生姜自然汁少許孕婦無服老弱量減或加甘草梔子各一錢已成者瀉下膿血不味治背疽諸般瘡腫用黑歷青白歷青杏仁不去皮尖各壹兩輕粉壹錢乳香沒藥各壹錢半云香松香各二錢半石鐵臼內搥壹千下成膏擇開定成三日修合不許陰人雞犬見用紅絹攤貼不要留眼無分大小

惡瘡治皆大效

治卒腫毒起急痛用大蕪菁根削去皮熟搗苦酒和如泥煮三沸急攪之出傅腫帛裹日三易之

治壹切癰疽發背癰毒惡瘡用赤芍藥當歸甘草等分爲末每服二錢溫酒調下不拘時

瘡癰

治瘡癰癰疽膿未得盡用黃丹半錢飛羅麵

壹兩研勻滴木爲劑捻如麥粒一頭大壹頭小內瘡中用膏藥封之膿自出淨瘡毒初起壹二日用米醋煮肥皂爛研厚塗之紙花蓋乾則換

治軟癰流膿不愈用處菟搗末摻瘡口上或油調傅卽愈
治諸瘡癰癰腫表毒用牡蠣大黃梔子等分爲末每服五錢水盞半煎壹盞去滓涼服
治瘡癰癰疽用小青葉搗碎貼之甚効

金匱鈞玄

肺癰

已破入風者不治壹法用醫壘元戎搜風

湯吐之則收斂瘡口止有合權樹皮白斂

煎湯飲之不愈用蠶絲末蘇麻茸土灰

腸癰

作濕熱食積治一入風難治

治環跳穴痛不已防生附骨癰以蒼朮佐黃

柏之辛行以青皮冬月加桂枝夏月加條

子黃芩體虛者加土牛膝以生甘草為使

大料煎入薑汁帶癖食前飲之病甚者十

數貼發不動加少大黃三兩貼又不動恐

癰將成急掘地成坎以火煨紅沃以小便

赤體坐其上以被席圍包下體熱氣薰蒸

腠理開暢氣血申而愈矣

御醫撮要

內針午黃丸療五藏蘊積毒氣及一切癰疽

腫毒心腹疼痛并卒中風涎昏塞不省人事

及豈切驚癩篤疾苦人

牛黃黃木香青橘皮乾薑各壹分川椒大

黃黃巴豆各三分猪牙皂莢半兩

右件細末煉蜜為丸如桐子大每服壹二

丸冷茶清下如卒中風不省人事溫酒送

五七丸灌下吐瀉涎出立効

萬靈膏主一切癰疽惡瘡及癩癧癭瘡

黃丹六皂莢二寸各二寸半麻油半兩

白芨六白飲各壹兩槐枝五兩

右件修了煎法如走馬膏方方見諸每用

以故帛攤貼之

騏驎膏理壹切癰疽發背惡瘡毒腫潰後久

濃水不住肌肉不生毒氣未定收毒止痛暖

肌肌

騏驎竭雄黃以蜜亂髮灰朱

砂各半雌黃壹乳香黃耆白芍藥

牡丹皮連翹子丁香木香桂心

當歸牛膝細辛白芷各壹兩松脂

麻黃各二兩 蠟蜜三兩 黃丹十二兩 油二斤

右件黃耆等一十二味細剉入油內浸壹宿後用文火煎諸藥色黑漉出次下松脂乳香蠟消鎔盡以絛濾去滓拭鎔令淨却下藥油以慢火熬相次黃丹不住手以柳木篦攪候色變滴於水坑內撚著軟硬得所歇良久入蜜陀僧雄黃騏驎竭朱砂等末攪令勻傾於瓷合以紙上攤令勻每日兩上貼之

備預百要方

發背癰疽癰方

初腫邊毛孔微陷者雖如粟米面痒必作癰疽也凡發背初覺皮肉間有異如是必作瘡切大蒜如銅錢厚片子安腫上灸之不計壯數以痛定為限若不痛者灸至極痛而止用此法者無有不差之理若疣贅之類如此灸之便成痂自落
發背初作及經日腫勢熾熱毒盛百藥不効

方雞卵壹箇新出人屎尖如雞卵大右二
 物相和微火熬令得所捻作餅子帖紙上
 以安腫口用古帛覆之轉動及歇氣一宿
 定如多日患者三日帖之一日壹易孫真
 人云此方穢惡不可施之貴勝然愈疾之
 速諸方皆不及此
 猴背如竹毒盛煩悶方菖蒲根生搗以驟乳
 和付人乳亦得
 又生椒葉搗付

又發背方凡帖乾漏蘆末付并服之良此二
 又栗毛殼煮侵亦為末塗之此二
 又滋石為末和油付

又沙蔘搗付此二

又烏頭搗和醋付此二

癰腫方芋莠子炒熟為末每服壹錢具水

又荆芥穗三水一錢煎至七分放温服初生

者壹服已出者再服

又芋莠根葉搥少許搗榻神良

又萊菔子研和醋付

又野苣白汁滴頭立潰

又東向團廐底泥付立潰

又癰無頭使穴方茅錐壹枚尖正全具者水

煎十沸服若兩莖生兩孔斷壹錐為二亦

生兩孔錐者茅香內柳生葉又服蠶寶壹枚

又棘燒服

潰後有惡肉方草決明決明有草有石石決明鮑甲是生搗

壹升甘草兩壹碎水三升煮取二升分温二

服

生肌膏倉卒不能合大藥則油煎黃蠟稀調

得所帖帛付之白其銀屑不若漆之熱

熱腫方篇竹擣付細干小芥取粟擣碎

又刺茄子醋磨付

又伏龍肝和醋付

人面瘡敗母煎湯洗之形如人面眼耳口鼻具足壹切到口之物

皆喫敗母草到即吐有方之雷龙能理

腸癰方烈重味之四流小射

腸癰爲病小腹重抑之則痛小便數時時汗
復惡寒身皆甲錯或繞臍生瘡或大便出
膿方擣生鯽魚淳酒和塗腹上內服大戟
末半錢溫水調下

癰疽瘡方

此瘡指肉中忽生點子小者如粟劇者如梅
李或赤或黑或青白其狀有根不浮痛之應
心根深至肌經久四面悉腫炮黯色能爛壞
骨毒氣入臟殺人南人得則割指以去其毒

狀與指相似此疽初著手指故也
燒鐵烙之令焦如炭或灸百壯或飲葵汁或
飲藍汁或服黃竜湯等去毒黃竜湯法燒
人屎令燥著水浸之去滓更絲濾用
治卒得癰疽一名爛瘡方用牛糞燒作灰細
研油調塗之
又治療疽著手足累如米豆刮之注出急療
方用蔓菁子二兩炒熟擣爲細末以猪脂
和傅其上

附骨疽方

此疽喜著大節解中及脾胛中初發按之應骨痛經日便皮肉漸急洪腫如肥狀小兒纔近手便啼呼大人小兒四體壯熱乍寒乍熱小便赤黃大便秘澀外用針灸內用下藥宜檢大方中生擣菖蒲和驪乳付之帛裹溫突上壓之無驪第一男乳和付又方京三稜根細切煎令生黃水溫服又先以仁粘米作油飯付穴隔日去飯及虫

以馬薤令菖蒲根陰乾細末陳葱白細擣硫黃臘猪脂合煎付之二日一易

簡奇方

發背發腦始覺煎當歸連翹散下解毒丸疏其內然後常服乳香黃耆散托其外瘡口上用蟾酥丸量瘡勢大小四邊腫處帖乳香拔毒散如瘡潰時上塗毒烏金散去其惡肉桃花散收斂發鬢先服當歸連翹散下解毒丸先疏利後

服消風散去其熱瘡口上用追毒散貼之
癰鬚先服當歸連翹散瘡口上微撥破貼上
針頭散神應膏貼之如腫勢大調乳香拔
毒散貼之痛者服乳香黃耆散

纏腸癰先服當歸連翹散下解毒丸痛者服
乳香黃耆散如不散者膿成日遠方便用
針深刺膿出瘡口上蟾酥丸上用膏藥貼
之如外無頭迹內已成膿者宜常服乳香
耆散自然膿出於大小便也

癰疽禁忌

巢氏病源

癰候

養生方云五月勿食不成核果及桃棗發癰
癰不爾發寒熱變為黃疽又為泄利

又云人汗入諸食中食之則作丁瘡癰癰等
疽候

養生方云銅器蓋食注入食食之令人發惡
瘡內疽

又云鯽魚膾合猪肝肺食之發疽

又云烏雞肉合食發疽人食其之令人發惡

又云魚腹內有白如膏合烏雞肉食之亦發

又疽也不入肺食中食之則肺下成癰

又云魚金鰓食發疽也黃魚天露

又云已醉強飽食不幸發疽果公

風疽候

養生方云大解汗當以粉粉身若令自乾者

成風疽也

香腸癰候

養生方云六畜卒疫死及夏病者腦不中食

喜生腸癰也

腸內癰候

養生方云四月勿食螺雞肉作內癰在胷掖

而下出瘦孔

瘰癧候

養生方云人汗入諸食中食之作瘰癧也

又云五月勿食不成核果及桃棗發瘰癧也

千金月令

瘡未平已來不得食熟肉麵雞蒜蘭香等及
慎房帷終身不得食羊肉

直指方

避風邪 少睡臥 勿驚憂 勿嗔怒 徐

行動 省言語 戒閨房 絕思慮 防觸

穢 聽好事 瘡癩洗 藥常助 盥漱聞
香 二便順序 擇飲食內充無飢飽失度

傅藥運掉屈伸瘡口常加愛護 妄用惡草
愈滋其毒不忌飲食反害其瘡皆非正法
外科精要

飲食居處戒忌

論瘡口冷滯難合條云其瘡不可與厭穢之

人見若不能禁忌瘡口難安藥亦無効

李氏云作勞叫怒嗜慾飲食如乾濕麵炙燂

煎炒醃藏法酒生冷滯膩牛羊雞鵝魚素問

云魚為並不可食性熱者發熱冷者損脾

胃毒者發病皆當戒之因喫毒食發熱條
云凡有疽疾人不可食羊肉雞肉牛肉鵝
肉魚麵煎炒炙燂及法酒食之必發熱
病者之房深戒有腋氣之人并有孕婦人月
經現行婦人孝子僧道母令入房房內常
令洒掃潔淨焚好香氣方使氣血流暢易
得安愈合藥之時亦忌此等見之又忌見
雞犬猫畜

凡有背疽之人難於隱几但用綠豆十斗作

豈大袋隱伏則自然心涼身體安穩已上
戒忌已安後半年間血氣未定猶當謹戒
不廢藥餌方能保全

獨勝散服法下云瘡瘍固自腥穢却返不
喜臭穢若不潔之氣觸之毒必引蔓已潰
者必復發以逆故也昔人方法無不用香
蓋所治也飲食必香則氣順衣著居處
亦務鮮潔接物語言更防腋臭聞他人口
氣之類皆預防之孝子僧尼寡婦悲愴之

聲前宜避之婦人月事行者母令入房尤
當忌謹

澹寮方

大凡癰疽纔發至已安未久當戒忌作勞叫
怒嗜慾如飲食則煎濕麪炙燻煎炒醃藏
法酒生冷滯膩牛羊鵝雞魚等並不可食
性熱者發熱冷者損脾胃毒者發病皆當
戒之病者房中深戒有腋札之人并有孕
及新產婦人月經見行婦人孝子穢厭等

人不宜入房房內常令洒掃潔淨時焚好
香或打醋炭方使氣血流暢易得安愈合
藥之時亦忌此等人見又忌雞犬猫畜見

永類鈴方

養生方除惡瘡沐浴日五月一日八月二日
所月九日十月七日十一月四月十二月

外科精義

論將護忌慎法

大凡有瘡疽生皆只如黍粟粒許大其狀至微人多不以爲急此蘊大患宜速辨之不可自忽若能防之於未形理之於未成或朝覺而夕治求治於良醫則必無危困矣若因循慢忽詢於庸醫致令膿血結聚委之於命束手待斃不以去道遠乎以致筋骨敗潰穿通臟腑死者十有八九矣可不慎歟蓋患瘡疽之人托命庸醫任意措置危殆立至若用良醫則可保痊愈用醫之

際不可不擇辨之何難若能飽讀經書久諳證候湯藥熟閑洞明色脉性情仁善孝義忠信臨事不惑處治有決方爲良醫委用勿疑然後要在病人自克不可恚怒悲憂叫呼忿恨驕恣情性信任口腹馳騁勞役惟宜清靜恬澹奈煩爲宜於患人左右止息煩雜切忌打觸器物諸惡音聲爭辯是非呪罵鬪毆及產婦媼男體氣不潔帶酒腥羶雞犬乳兒孳畜禽獸並須遠離設

或親友重意問疾者可以預囑徐行低聲
款曲伺候禮畢躬退勿令嗟呀驚怪話舊
引其遊賞宴樂遠別親戚牽惹情懷但恐
病人心緒淒愴尤不可亂舉方藥徒論虛
實惑亂患人凝滯不決祇合方便省問不
可久坐多言勞倦病人深不長使夫侍患
者宜須壽近中年情性沉厚勤謹耐煩仁
慈智慧全在調以粥藥無失時節勿令於
患人左右彈指嗟咨掩淚竊言感激病人

甚不利便飲食之間忌慎非細不可不載
畜中勿食驢馬駝騾猪狗牛殺羊等并雜
魚鼈蟹蚶蟹及淹滷臭陳自死病倒之類
慎勿嘗啖飛禽之中忌食鵝鴨鴻鷹雀鶴
鴛鴦鷺鷥鳩鴉鴉雞雉及能學人言者慎
勿食之野獸之中忌食獐鹿狐兔虎豹熊
豺及爪牙害人有毒蟲獸并父母自本命
生屬忌慎勿嘗啖菜蔬之中忌食黃瓜茄
子蘭香芸薹胡荽生菜蓼芥茵瓠韭蒜葱

薤慎勿食之果木之中忌食桃杏棗栗李
柰梨梅輒棗紅柿櫻桃胡桃榛松林檎及
諸蟲艸未熟之果慎勿食之若其疥疔膿
潰腫消氣血虛弱則可食羊肉鵪鶉蔓菁
菘醬苽薺籬葡萄及黃白粳米細米稀粥輒
飯若至肌肉漸生思想滋味則宜食白熟
酥餅薑粥羹湯熟軟溫和平稀稠得中製造
如法勿令太飽此時猶忌饅頭餛飩餅餌
餛飩肉角煎餅及炙煨燠煖煎炒鹹酸油

膩脂肥魚肉若至肌膚欲平惡肉去盡瘡
口收斂之際尚忌起立行步揖待賓客房
酒宴會嗔怒沐浴登陟臺榭運動肢體寒
暑勞倦正宜調節飲食保攝以待瘡癢平
復精神如故氣力完全方無所忌百日內
慎勿觸犯之

三因方

癰疽切忌用冷藥外貼逼毒氣入裏殺人
鎖碎錄

虎豹皮不可作茵褥鬚毛刺人瘡疽中必能殺人

癰疽鍼灸

千金方

癰疽

治疽平著五指筋急不得屈伸者方灸踝骨

中央數十壯或至百壯

治附骨疽方灸間使後豐寸隨年壯立瘥

灸腸癰法屈兩肘正灸肘頭銳骨各百壯則

下膿血即瘥

得效方

灸法治肺癰正作吐膿血不已灸肺膈二七

壯

澹察方

足三里穴患癰入灸之使熱氣就下如頭項

以上患尤宜灸焉古方云三里穴乃五臟

六腑之溝渠溝渠不泄則臟腑淤滯氣血

凝留生瘡無疑也患癰疽之人宜灸此穴

正原此意然亦不必太多止於二七壯也
永類鈴方

灸懸癰擇人神不在日早空心先用井花水
調百藥前未壹椀服之微利却須得秋葫
蘆亦名苦不老生在架上而苦者切皮片
置瘡上灸二七壯蕭端式患連年壹灸收
效

山居四要

治癰疽背瘡初發者蒜壹片厚壹紙置痛處

以熟艾灸二七壯

癰疽導引

巢氏病源

疽候

養生方導引法云正倚壁不息行氣從頭至
足止愈疽行氣者鼻內息五入方壹吐爲
壹通滿十二通愈

又云正坐倚壁不息行氣從口輒令氣至頭
而止治疔痺氣不足

天云石坐針盤不思尿路口轉令尿至腹

也腹滿十二日愈

且亦愈

其亦愈

其亦愈

其亦愈

其亦愈

其亦愈

其亦愈

丁瘡門一

目錄

論

千金方

土鼠丁腫

千金月令

海上仙方

茶葉丁瘡

聖惠方

治丁瘡諸方

五香湯 棘刺散 蒼耳膏

治魚臍疔瘡諸方

芫花根膏

大全本草

是齋醫方

土鬼丹

直指方

疔瘡證治

嚴氏濟生方

疔腫

二黃散

修月魯般經後錄

黃凡丸

宣明論

硃砂散 聖力散

得効方

疔瘡

酒煎散 通利藥 大通藥 連翹散

蟬蛻散 蟾蜍膏 水沉膏

澹軒方

丁瘡

衛生寶鑑

保生挺子 神聖膏藥 千金托裏散

破棺丹 二仙散 赤芍藥散

丁瘡門二

居家必用

萬金丸

援粹方

消毒散 保生錠子 善應膏 破棺丹

千金托裏散 奪命丹 蒼金砂散

瑞竹堂方

破棺丹 返魂丹 金砂散 內托香粉

散 立馬回疔丹 五聖散

袖珍方

內托散 青金散 迴生錠子 藤黃飲

子乳香散 奪命返魂散

永類鈐方

內科丁腫膏 金燄 雙生鐵子 蘇黃膏

硝黃湯

婦瘡科通玄論 正理膏

鐵粉散 透骨膏 金燄 內科通玄論

經驗秘方

追魂丹 萬金丸 追魂丹 金玉藥托裏

散 經驗良方 追魂丹

經驗良方

疔瘡類

奪命丹 蟾酥膏 內托連翹飲 不二

散

醫林方 木虱膏 蟾黃藥 金燄奪命

煙霞聖効方 針頭丸

革麻散 針頭丸 塗丁膏 托裏藥

吳氏集驗方 吳氏集驗方 針頭丸

取丁膏

神効名方

紫金丹

新効方

救生奪命丹 芫蔚散 浮石散

外科集驗方

增添別本治諸疔瘡經驗方法

追毒丹 水沉膏 敷黃藥 追疔奪命

湯 飛龍奪命丹 雄黃元 拔黃藥

百二散 返魂丹

理傷續斷方

桃紅散 自沸湯 雄黃丸 玉紅散

當歸散 霹靂火法 松針法 海馬拔

毒散

急救仙方

秘傳外科方

外科精義

迴瘡蟾酥錠子 四聖旋丁散 天丁散

玉機微義

蟾酥丸 飛龍奪命丹 寸金錠子 紅

玉錠子 提丁錠子 守効散

壽域神方

丁瘡治法

衛生易簡方

疔腫

備預百要方

丁瘡

簡奇方

餘藥無名者散見本方

丁瘡門

巢氏病源 丁瘡病諸候

雄丁瘡候

雄丁瘡者大如錢孔烏鱗似灸瘡四畔泡漿

色赤又有赤粟乃言瘡而不腫刺之不痛而

兼熱者名為雄丁瘡

雌丁瘡候

雌丁瘡者頭小黃向裏鱗亦似灸瘡四畔泡

漿外赤大如錢孔而多汁腫而不痛瘡內有

十字畫而兼冷者謂之雌丁瘡

此瘡色紫赤如火之色即謂紫色火赤丁瘡

也

也

牛丁瘡候

牛丁瘡皮色不異似腫而頭黑挑之黃水出

四邊赤似茱萸房者名為牛丁瘡

魚臍丁瘡候

此瘡頭黑深破之黃水出四畔浮漿起挾長

似魚臍故謂之魚臍丁瘡

赤根丁瘡候

瘡形狀如赤豆或生掖下如鴨子大者世人

不識但見其赤即謂之赤根丁瘡

犯丁瘡候

犯丁瘡謂丁瘡欲癢更犯觸之若人噴及食

猪魚麻子并狐臭人氣熏之皆能觸犯之則

更極乃甚於初更令熱焮腫先寒後熱四肢

沉重頭痛心驚嘔逆煩悶則不可治

故四時代謝陰陽遞興此二氣更相擊怒當是時也必有暴氣夫暴氣者每月之中必有卒然大風大霧大寒大熱若不時避人忽遇之此皆入人四體頓折皮膚流注經脉遂使腠理壅隔榮衛結滯陰陽之氣不得宣泄變成癰疽疔毒惡瘡諸腫至於疔腫若不預識令人死不逮辰若著訖乃欲求方其人已入木矣所以養生之士須早識此方凡是瘡瘍無所逃矣

凡療疔腫皆刺中心至痛又刺四邊十餘下令血出去血傳藥藥氣得入針孔中佳若不達瘡內療不得力又其腫好著口中頰邊舌上見赤黑如珠子礮痛應心是也是秋冬寒毒久結皮中變作此疾不即療之日夜根長流入諸脉數道如箭入身捉人不得動搖若不慎口味房室死不旋踵經五六日不瘥眼中見火光神昏口乾心煩即死也

一曰麻子丁其狀肉上起頭大如黍米色稍

黑四邊微赤多癢忌食麻子及衣布并入麻

田中行壽域神方又云忌觸犯觸犯則難治

二曰石丁其狀皮肉相連色烏黑如黑豆其

硬刺之不入肉內陰陰微疼忌瓦礫磚石之屬

三曰雄丁其狀炮頭黑靨四畔仰瘡炮漿起

有水出色黃大如錢孔形高忌房事

四曰雌丁其狀瘡頭稍黃向裏靨亦似灸瘡

四畔炮漿起心凹色赤人如錢孔忌房事

五曰火丁其狀如湯火燒灼瘡頭黑靨四邊

有炮外科精義瘡科精義壽域神方作煙漿起如赤粟米忌火

灸爍

六曰爛丁其狀色稍黑有白癩瘡中潰潰則

有膿水流出瘡形大小如匙面忌沸熱食爛

帛物

七日三十六丁壽域神方名亂丁其狀頭黑浮起形

如黑豆四畔起大赤烟霞聖效方作黑色今日生壹

明日二後日三乃至十若滿三十六藥所不

能治如未滿三十六者可治俗名黑炮忌噴
怒畜積愁恨

八日蛇眼丁其狀瘡頭黑皮上浮生形如小
豆狀似蛇眼大體硬忌惡眼看并嫉妬人見
之及毒藥

九日益膚丁其狀大如匙面四畔皆赤有黑
粟粒起忌食鹹物

十日水洗丁其狀大如錢形或如錢孔大瘡
頭白裏黑膿汁出中硬忌飲漿水水洗渡河

十一日刀鎌丁其狀瘡闊狹如薤葉大長壹

寸左側肉黑如燒爍忌刺及刀鎌切割鐵刀

所傷可以藥治

外科精義瘡科精義
可以藥治不可亂攻

十二日浮漚丁其狀瘡體曲圓少許不合長

而狹如薤葉大內黃外黑黑處刺不痛內黃

處刺之則痛

十三日牛拘丁其狀肉炮起掐不破

右十三種瘡初起必先癢後痛先寒後熱
熱定則寒多四肢沉重頭痛心驚眼花若

大重者則嘔逆嘔逆者難治其麻子丁豈
種始末惟癢所錄忌者不得犯觸犯觸者
卽難療其浮漚下牛拘丁兩種無所禁忌
縱不療亦不能殺人其狀寒熱與諸丁同
外科精義瘡科精義與諸丁不同皆以此方療之萬不失
宜欲知犯觸之狀但脊強瘡痛極甚不可
忍者是也

三因方

丁腫證治

世醫謂傷寒在諸風之上癰疽冠雜病之先
言此二病重大急切然方論丁腫又在癰疽
之前其意謂急切甚矣但江在少見此病醫
者不以爲重病源既有不可不知且依千金
類例具列于後旣不能究其源亦不敢妄有
改作一日麻子丁云云不可忍者是犯之狀
也詳見千金方
直指方其載最詳其證取之土山因麻子白
下癰丁瘡

丁瘡含蓄毒氣突出兩寸痛癢異常一二日
間害人甚速是尤在癰疽之上也內經以白
丁發於右鼻赤丁發於舌根黃丁發於口唇
黑丁發於耳前青丁發於目下蓋取五色之
應五臟各有所屬部位而巳然或肩或腰或
足發無定處在手足頭面骨節間者最急其
餘尚度幾焉丁曰五丁類分數種如曰如豆
如葩如箔金如茱萸如石榴子或發疹搔破
而青黃汁出或衣物觸著而疼痛忽生或白

而腫實或赤而浮虛其狀不啻大抵瘡頭黑
硬如釘四畔帶赤如火盤根突起隨變焦黑
未幾腫大而光轉爲濕爛深孔透肌如大針
穿之狀外證心驚頭痛向急惡寒四肢痛強
或寒熱交作頰舌間赤黑點點如珠若毒入
腹心則煩悶嘔逆恍惚癡眠其斃可立待也
此疾雖自風毒而來其諸觸犯不可不信如
石丁之忌瓦礫磚石麻子丁之忌麻衣麻仁
火丁之忌火光灸燻水丁之忌飲水渡河惡

眼鹹食爛帛刀鎌色色見忌又不特雌雄二
丁戒謹房事而止一有觸犯難以有廖其或
背脊拘強瘡痲徹骨此觸犯之候也治法以
調平心氣爲上蓋丁瘡蓄毒壅結於心如伏
苓伏神遠志益智蓮子石菖蒲之類佐以川
芎當歸皆舒豁心經之劑也心氣壹清毒自
消散外所傳者用銷蝕惡肉輩如膽礬綠礬
鈇霜斑猫等類以餅藥調和而筆傅之爛其
肉而後剪隨傅隨爛次第剪平却以生髮蛇

皮土蜂窠皂莢刺各燒留性白及減半並爲
細末以平瘡口或銷蝕惡肉輩傅之作疼則
以排膿內補散多川酒調以醉之矣又有壹
種瘡頭黑深形如魚臍破之黃水滲出四畔
浮漿是曰魚臍丁瘡其毒尤甚通前治法卽
癰疽方中萬病解毒圓以清心行血湯使服
之以井花水磨傅之是爲神仙妙藥
嚴氏濟生方
嵇云諸瘡莫急於丁瘡有魚眼丁多發於足

非神手不能治也大凡治丁瘡先以披頭針
當頭刺之直至患者不知痛處纔引針而出
血隨其流則以蟾酥追毒丹納之針孔中仍
以紙撚送下使近痛處其上封以乳香膏四
傍腫處敷之烏龍膏或有赤暈敷以解毒並
如前法三兩日瘡潰拔去仍覆以乳香膏膿
盡生肌並如前法

稽云治魚眼丁之法先以針刺之不痛則瘡
根已走矣用療漏瘡之法以榆皮隨俞穴所

往探之榆之所不及之處則針破引榆枝而
出再自針穴尋之若針破處病人知痛血出
則是活肌肉矣卽於針瘡納蟾酥丹覆以乳
香膏再於正瘡上針孔中納蟾酥丹叁二粒
仍覆以乳香膏則其丁瘡之根卽向元所潰
而愈

永類鈐方

丁腫

千金論丁腫爲患急切在癰疽之前存三十

六丁者今日生一明日生二三日生三乃至
滿三十六丁者藥所不治末滿者可治今具
其証有十三種者施治于后其初起先痺後
痛先寒後熱熱定則寒多四肢沉重頭痛心
驚眼花大重者嘔逆爲難治有所忌而觸犯
者其狀脊強瘡痛極不可忍者是也

脉病證

麻子丁頭如黍米色黑四初發敗毒散加
畔赤始末多痒忌食麻子連翹天花粉生

及麻布

大黃熟加生姜

石丁色黑如黑豆硬刺不

自然汁調復元

入陰陰微疼忌瓦石

通氣散重者加

雄丁炮頭黑靨四邊有水

麝香本事乳香

出色黃如錢孔忌房事

散濟生蟾酥丹

雌丁頭黃裏靨似灸瘡四

稔大夫乳香膏

邊炮漿起如錢孔色赤忌

追毒丹治証甚

房事

詳二黃散蒼耳

火丁如湯火燒灼黑靨四

散五香連翹湯

邊炮漿起如赤粟米忌火灸狗寶元
 爛丁色黑有白斑膿水出集成張氏獨脚
 流瘡形如匙面忌熟食爛茅散又絲瓜葱
 帛物
 三十六丁頭黑如黑豆四蟬退姜蠶末良
 邊起大赤色俗名黑炮忌阮氏經驗內托
 噴怒愁恨
 蛇眼丁頭黑皮上生形如
 小豆似蛇眼體硬忌惡眼
 濟生灸丁腫法
 水沉膏
 連翹散不二散

嫉妬人并毒藥
 最效
 搽膚丁如匙面四邊皆赤
 有黑粟粒起忌鹹食
 水洗丁形如錢孔頭白裏
 鱉汁出中硬忌飲漿水
 刀鎌丁如薤葉大左側內
 黑如燒爍忌刺及刀鎌刃
 可治
 浮漚丁如薤葉大內黃外

黑黑處刺不痛黃處刺之

痛無忌不殺人

牛狗丁肉泡起指不破無

忌

瘡科通玄論

疔腫瘡

夫疔腫瘡者血凝氣滯風熱相傳發於經絡

經驗秘方之間疔在毛竅之內形如粟粒或

疼或痒遍身行麻木頭眩秘方寒熱時時生

吐逆

神昏多足睡恍惚似人驚 歌曰

榮衛相凝毒氣攻發於毛竅定皆凶沉困

增寒生嘔吐四肢煩亂目如朦

先用當歸連翹散下解毒圓疏其內然後

服乳香黃耆散外用針刺破搥入蟾酥圓

或針頭散瘡潰時上追毒烏金散去其惡

肉桃花散斂之

青疔瘡

夫青疔瘡者肝之毒氣膽腑邪風灌於筋骨之間發在肌膚之內初作青色四邊腫硬似石磚目澁睛昏傳至臟中生嘔逆

肝邪傷筋爪膽盛損雙睛歌曰

甲乙相連亦是根色青足睡定睛昏若逢壬癸當為癩運至庚辛必注連

青疔瘡者乃肝臟受病逢庚辛為尅壬癸相生外與前疔腫瘡同治

赤疔瘡

夫赤疔瘡者心之毒氣小腸邪風注於血脉

之間發在筋骨之內離宮失度經發秘方作寒

語澁足神昏坎水虛殘寒熱心狂多煩燥

風邪舌蹇澁熱盛必心狂歌曰

離火炎炎正夏生狂陽煩燥注心驚若逢甲乙當為瘰壬癸方知命不榮

赤疔瘡者心火邪熱必發驚狂先疏通於內次治其外

白疔瘡

夫白疔瘡 大腸虛熱肺臟邪風外乘皮肉
之間發於毛竅之內初生白色燎漿走胤似
膿胞咳唾稠粘鼻塞口乾咽喉燥 逢庚當為盛 遇丙只宜斫 歌曰

大腸燥熱肺相連肺與皮毛相貫穿其候
病連咽膈滯不遇良醫不得痊

此證屬肺臟受病色白發於毛竅先服乳
香黃耆散外用針頭散或蟾酥圓覺痛時
用追毒烏金散

黑丁瘡

夫黑丁瘡者膀胱虛熱腎臟邪風外攻兩耳
之端發在毛竅之內初生黑色四邊麻木似
石磚恍惚心驚沉困神昏多足睡

膀胱傷客熱 腎臟殫風毒 歌曰

此證多因腎臟寒旺冬屬水本根源瘡生
紫黑當須救神昏嘔吐治時難

亦與前疔瘡同治服當歸連翹散外貼透
骨膏

黃疔瘡

夫黃疔瘡者脾中受熱胃氣邪風起於唇齒之端發在人中之側初生黃色四邊麻木水如泔干經驗秘方作手足難擡煩燥心驚多嘔逆小脾邪腹多脹 胃熱不能食 歌曰
戊巳元來病在脾上攻唇齒有災危旺時
四季常為瘥甲乙相干病較遲
與前疔瘡同治貼透骨膏
冷疔瘡

夫冷疔瘡者膏梁之變風濕餘毒寒氣感於太陰久冷攻於膝下初如米粒漸成潰爛色如煤敗血來侵骨肉損傷成大患

經年筋骨痛

累歲

經驗秘方作瘡

不生肌 歌

日風濕相傳足太陰敗傷榮衛併相侵寒毒定知生痛痒陰蝕秘方作濕成瘡轉不經秘方

禁作

先服黃耆圓乳香黃耆散瘡口上用鐵粉散追毒圓去其惡肉桃花散收斂如瘡痒

外科集驗方
癩煎洗毒散洗之

外科集驗方
治諸丁瘡經驗方法

如丁瘡初出以不變色及不知疼痛按搨不動嵌頂身發寒熱便是此瘡氣丁水火丁蛇眼石丁雌雄丁爛丁血丁刀斧丁紅絲魚睛紫硯麻子諸般丁急用圈黃藥用臘月間雄豬膽壹介入雄黃京墨姜汁爲末入於膽內用此藥塗在瘡上圈之便不走黃元疔發之

上便打壹針直到痛處便住血出無妨便入仙蟾拔毒取黃藥入於瘡口內卽用水沉膏貼之神應膏亦可取黃回時以瘡紅腫爲度四圍腫可以放針出血毒黃水如是走黃看血筋到何處以用火針刺斷其血筋立住便不走黃看先黃走入何處結成壹塊便是黃者可以黃上便放三五針等出血及毒氣卽用敷黃藥敷出毒矣如是黃走者左過右右過左者難治之必死也瘡上黃上放針無

血出如血紫黑者難治亦死也用針取黃不用鐵針只用金銀銅針者初發急服追疔奪命湯卽能內治立效以服飛龍奪命丹亦可後服化毒消腫托裏散以服諸藥皆要大汗出爲度

疔瘡治法

夫疔瘡之初生也人多不覺生於頭面手足肘脅腰腿間亦無定處壹二者必作寒熱如瘧頭疼體痛不可忍其痛稍異於尋常之證

須去徧身尋認其瘡如有小瘡與常患之瘡稍異卽是疔也此瘡得患各有所因而其形狀亦各不同

猪疔形圓而小瘡口內有油●羊疔形長色白□牛疔形圓而小瘡口內無油○狗疔形長或帶尖色赤◇驢馬疔其狀三角頂上有黑點根赤

壽域神方此下云或凸起

△或○

要知此瘡非特猪牛狗羊驢馬之毒所致宿水不潔飲之亦生小疔豆腐中有人汗食之

亦生豆腐疔又有氣疔鬼疔形狀雖不壹然其治之之法則壹也

瘡色緩 第壹日瘡頂胞色小白△ 第二日

色大白○ 第三日色微紫○ 第四日色真

紫

瘡色急 第五日色微青小緊○ 第六日色

深青大緊 第七日色黑 其狀有如魚

臍又如灸瘡之狀乃最緊急之候也

瘡証吉 有應 如生壹丁之外別處肉上

再生壹小瘡卽是有應可用針挑破 護

場 瘡四圍有赤腫 生多 瘡多者謂

之滿天星 飲食如常頭痛身熱 手足

溫 瘡證凶 無應 別處肉上無瘡 不護場

夫疔四圍無赤腫 內疔盛 渴欲飲水飲

食不進 頭眩眼花 護床不動 起也 眼

快自 睛癡不轉 唇舌青 腹痛 甚者

有內疔 五心腫 手足冷 氣籠 無

有內疔 五心腫 手足冷 氣籠 無

脈

外科精義

論丁瘡腫

夫丁瘡者以其瘡形如丁蓋之壯者是也古方論之凡有十種華元化載之五色丁千金方說丁瘡有十三種以至外臺秘要神巧萬全其論頗同然皆不離於氣客於經絡五臟內蘊毒熱初生壹頭凹腫痛青黃赤黑無復定色便令煩燥悶亂或增寒頭痛或嘔吐心

逆以針刺瘡不痛無血是其候也其候本因甘肥過度不慎房酒以致邪毒嗜結遂生丁瘡內經曰膏粱之實足生丁瘡此之謂也其治之法急於艾炷灸之若不覺痛者針丁四邊皆令血出以廻瘡錠子從針孔維之上用膏藥貼之仍服五香連翹湯漏蘆湯等疎下之爲效若或針之不痛無血者以猛火燒鐵針通赤於瘡上烙之令如焦炭取痛爲效亦維前錠子用膏藥貼之經壹二日膿潰根出

服托裏湯散依常療之以取平復如針不痛其人眼黑或見火光者不可治也此邪毒之氣入臟腑故也養生方云人汗入食肉食之則生丁瘡不可不慎也

壽域神方

丁瘡部

丁瘡初發形如粟米魚眼等狀其色不壹根硬著骨推搖不動若丁釘之狀故謂之丁須用針刺瘡心至痛處又刺四邊十餘令血出

去血敷藥藥力得入針孔中若不透內藥力不到又看口中頰邊舌上黑如珠子者是也一法不用針但服草藥汗出即安其法最減俱見方內若不急療日夜根長流入經絡如箭入身顛不已眼中生花惡寒惡心頭暈大渴此惡候治遲即死

辨丁瘡

牛丁形圓而小瘡內無油胞起指不破其狀有寒熱

水丁其狀似水泡因喫隔夜水生之同前禁
 忌瓜藤丁不計數者是也忌瓜田中行其水
 腐丁其狀水白色有泡三日內頂陷亦如初
 灸火瘡形因造豆腐時人汗滴於內而生忌
 食豆腐豆于豆地中行其水其水其水其水
 氣丁因怒而起感惡氣所生其形似氣泡
 鬼丁中邪毒之氣所生其形異於常不豈
 備預百要方

凡丁瘡

凡丁腫者忌見麻花及入麻中犯則不治凡
 十三種唯火丁不得下灸及火烙也瘡頭黑
 四邊有煙漿又如亦粟者是寒毒久結作此
 病不即灸則根流入脈不可拔也好著手足
 面上口頰礮毒應心者是克慎口味房室若
 失理經五六日眼見火光神心昏味者死初
 知即飲鐵液則毒氣不能流入諸脉然後艾
 灸三四百壯後以蒼耳根葉實葉燒灰用陳
 醋和付乾則易之若因甚者擣蒼耳葉取

汗和童子尿管壹升日三孫真人云疔腫方
有干首皆不及蒼耳灰和陳醋付法入以刺
千金方蠱毒山毒成不消者入醋和烈炭末
大疔丁腫六日疽鼠火疔腫入骨者以
治十三種丁方用枸杞其藥有四名春名天
精夏名枸杞秋名却老冬名地骨春三月
上建日採葉夏二月上建日採枝秋三月
上建日採子冬三月上建日採根凡四時
初逢建日取枝葉子根等四味並曝乾若

得五月五日午時合和大良如不得依法
採者但得壹種亦得用緋繪壹片以裏藥
取匣爲限亂髮雞子大牛黃梧子大反鈎
棘針二十枚末赤小豆七粒末先於緋
上薄布亂髮以半黃末等布上曝即捲緋
繪作團以髮作繩十字縛之熨斗中急火
熬令沸沸定後自乾即刮取搗作末絹篩
以一方寸匕取枸杞四味合搗絹篩取二
匕和合前一匕共爲三匕令相得入分爲

一分早朝空腹酒服一分日二方永頰鈴○
 三因方以緋帛一片裹藥取匝為限亂髮
 雞子大攤布帛上牛黃如梧子大反鈎棘
 針二十一枚赤小豆七粒為末並布髮上
 捲緋帛作團外以髮作繩十字縛之熨斗
 中急火燒灰研篩細以枸杞或子或根皮
 枝葉隨得為末用枸杞末二七緋白灰一
 匕共成三七研勻分二服空腹酒調下直
 指方治諸丁瘡生髮按一圓如鷄子大雄
撒在一尺緋絹上

黃研壹皂莢刺二拾赤小豆二拾石並粒籠
 末撒放髮上捲就緋絹作一團外用髮繩
 十字縛定熨斗內烈火燒帶性為末入地
 骨皮末倍之分作兩服空心酒調下
 齊州榮姥方凡是丁腫皆用治之
 牡礪九兩鍾乳 枸杞根皮各二白石英
兩桔梗一兩白薑石一斤軟黃者
 右六味各擣絹篩合和令調先取伏龍肝
 九升為末以清酒壹斗二升攪令渾澄清

取二升和藥捻作餅子大六分厚三分其
濁滓仍置盆中布餅子於籠上以壹幅紙
藉盆上以泥酒氣蒸之仍數攪令氣散發
經半日藥餅子乾乃內瓦罏中每壹重紙
壹重藥遍布勿令相著以泥密封三七日
乾以紙袋貯置乾處舉之用法以針刺瘡
中心深至瘡根并刺四畔令血出以刀刮
取藥如大豆許內瘡上若病重困日夜三
四度輕者壹二度著重者二日根爛始出

輕者半日一日爛出當看瘡浮起是根出
之候苦根出已爛者勿停藥仍著之藥甚
安穩令生肌易其病在口咽及胸腹中者
必外有腫異相也寒熱不快捷是此病卽
以飲或清水和藥如二杏人許服之日夜
三四服自熱消爛或以物剔吐根出卽瘡
若根不出亦瘥當看精神自覺醒悟合藥
以五月五日爲上時七月七日次之九月
九日臘月臘日皆可若急須藥他日亦得

要之不及良日也修合須清淨燒香不得觸穢母令孝子不具足人產婦六畜雞犬等見之凡有此病忌房室猪牛雞魚生韭葱蒜芸薑胡荽葵酒醋麵等若犯諸忌而發動者取枸杞根湯和藥服並如後方其二方木是豈家智者評論以後方最是真

本

趙燒方

薑石

貳十兩

牡蠣

十兩崔氏作七兩

茯苓

三兩

枸杞根

皮

四兩

右四味各搗篩合和先取新枸杞根合皮切六升水壹斗半煎取五升去滓內狗屎崔氏云尿二升攪令調澄取清和前藥熟搗捻作餅于陰乾病者以兩刃針當頭直刺瘡痛徹拔針出刮取藥末著急內瘡孔中勿令歇氣并遍封瘡頭上卽脹起針挑根卽出重者半日已上或已消爛挑根不出亦自瘥勿憂其病在內者外當有腫相應並

皆惡寒發熱疑有瘡者以水半盞刮取藥
如桐子大五枚和服之日夜三服卽自消
也若須根出服藥經一日以雞羽剔吐卽
隨吐根出若不出根亦自消爛在外者亦
日夜三度傳藥根出後常傳勿住卽生肉
易瘥若犯諸忌而發動者取枸杞根合皮
骨切三升以水五升煎取二升去滓研藥
末壹錢匕和枸杞汁一盞服之日二三服
并單飲枸杞汁彌佳又以枸杞汁攪白狗

又尿取汁服之更良合訖卽用不待乾所言
白狗屎是拘食骨其尿色如石灰故直言
又狗白屎也如預造取五月五日七月七日
九月九日臘月臘日者尤良神驗或有人
忽喉中痛乍寒乍熱者卽是其病當急以
此藥療之無故而痛惡寒發熱者亦是此
病但依前服之立瘥前後二方同是一法
其用一同亦主癰疽甚效
治丁腫病忌見麻勃見之卽死者方

胡麻 燭燼 針沙 各等分

右三味爲末以醋和傅之

又方石灰 三分 馬齒菜 二分

右二味擣以雞子白和傅之

又方針刺四邊及中心塗雄黃末立愈神驗

膏云塗黃土

又方鼠新坌土以小兒尿和傅之

又方鐵衣末以人乳汁和傅之立可

又方小豆花爲末傅之瘡

又方以人屎尖傅之立瘥

又方以四神丹壹枚當頭上安經宿根卽出

治壹切丁腫方蒼耳根莖苗子但取壹色燒

爲灰醋泔淀和如泥塗上乾卽易不過十

度根卽拔神良

三因方朱氏集驗方嚴氏濟生方王氏集驗方壽域

神方 余以正觀四年忽口角上生丁腫造

甘子振家母爲帖藥經十日不瘥余以此

藥塗之得愈已後常作此藥以救人無有

不瘥者故特論之以傳後嗣丁腫方殆有

千首皆不及此雖齊州榮姥方亦不能勝
 此物造次易得也○是齋醫方蒼耳子或
 葉或根不以多少爛研以米醋脚調塗腫
 立散如已去肉丁了再傅以差為度仍研
 汁服之尤妙直指方蒼耳亦名鼠粘子根
 莖苗實但取一
 色研細石酒調下仍以蒼耳燒灰醋調傅或
 不拘一色雜採川之澹軒方蒼耳根莖實
 與苗爛研醋脚與和塗傅丁丁出猶重付
 直待瘡乾腫盡消醫方大成治丁瘡用蒼

耳根莖苗子豈色者燒灰為末用醋汁調

塗瘡上毒根即出或藍靛調尤好有用前

藥據酒喫以淨傅瘡

醫方集成南北經驗
方由珍方永類鈔方

衛生易
簡方同經驗良方治一切丁瘡懸雍石用

蒼耳根莖苗但取一束燒為灰醋汁藍淀

和如泥先以針刺瘡上及四邊數下令血

出度藥氣可以入針孔中即去血傅藥乾

即易之不過數度即拔根出其末結膿者

即內消已結膿破潰者再不用針刺只以

藥塗之

又方取鐵漿每飲壹升立瘥

又方麪和臘月猪脂封上瘥

又方蒺藜子一升燒灰醞醋和封上經宿便

瘥或針破頭封上更佳

又方皂莢子取人作末傅之五日內瘥

玉山韓光方韓光治丁腫人也正觀初衢州

徐使君訪得此方艾蒿壹擔燒作灰於竹

筒中淋取汁以壹二合和石灰如麵漿以

針刺瘡中至痛卽點之點三遍其根自拔

亦大神驗永類鈔方同正觀中用治三十餘人

得瘥故錄之

魚臍丁瘡似新火針瘡四邊赤中央黑可針

刺之若不太痛卽殺人治之方以臘月魚

頭灰和髮灰等分以雞溲尿和傅上此瘡

見之甚可卽能殺人外臺不用髮灰以雞

子清和塗

又方以寒食餠傅之良硬者燒灰塗貼卽瘥

類聚

方

聖惠方寒食乾錫糖燒為灰傳之即差

治魚臍瘡頭白似腫痛不可忍者方先以針

刺瘡四畔作孔擣白芨取汁滴著瘡孔內

聖惠方同味與水傳之以蠟煎氣味甜土北

又方傅水獺屎太良藥人皆云此藥以煎

治赤根疔方熬自粉令黑蜜和傳之良下檢

又方以新盆鼠壤水和塗之熱則易

又方馬牙齒擣末臘月猪脂和傳之根即拔

燒灰用亦可

犯疔瘡方

蕪菁根 鐵生衣 各等分

右二味和擣以大針刺作孔復削蕪菁根

如針大以前鐵生衣塗上刺孔中又塗所

擣者對上仍以方寸匕緋帛塗帖之有膿

出即易須更拔根出立瘥忌油膩生冷醋

滑五宰陳臭粘食

又方刺瘡頭及四畔令汁極出擣生栗黃傅

上以麪圍之勿令黃出從旦至午根即拔

矣

又方以麵圍瘡如前法以針亂刺瘡銅器煮醋令沸瀉著麵圍中令容壹盞冷則易之三度根即出

又方取蛇蛻皮如雞子大以水四升煮三四沸去滓頓服立瘥

又方燒蛇蛻皮灰以雞子清和塗瘥○直指方諸丁瘡方蛇皮洗晒炙焦為末雞子清調傅

又方取蒼耳苗搗取汁一二升飲之滓傅上

立瘥

千金月令

主丁腫方右取菊花二握絞取汁服之壹升主手指腫方右煎漿水和少塩熱漬之冷即易

海上仙方

丁瘡

丁瘡神効稀簽草五月五日午時討細末酒

調服半兩通身汗出真个好

聖惠方
治丁瘡諸方

夫丁瘡者由風邪毒氣於肌肉所生也凡有
十種壹者瘡頭烏強凹二者瘡頭白而腫實
三者瘡頭如豆塗色四者瘡頭似葩紅色五
者瘡頭有黑脉六者瘡頭赤紅而浮虛七者
瘡頭葩而黃八者瘡頭如金薄九者瘡頭如
茱萸十者瘡頭如似石榴子亦有初如風疹

氣搔破青黃汁出裏有赤黑脉而小腫亦有
全不知者忽以衣物觸著及摸著則痛若固
取則便不知處亦有肉突起如魚眼之狀赤
黑礮痛徹骨久結皆變至爛成瘡瘡下深孔
如火巢氏病源作大針穿之狀初作時突如丁蓋故
為之丁瘡令人外科精義瘡科精義有惡心二字惡寒四肢
強痛壹二日瘡便變焦黑色腫大光起根硬
強全不得近酸痛皆其候也在手足頭面骨
節間者最急其餘處則可也毒入腹則煩悶

恍恍似醉如此者三二日便死養生方云人汗入食內食之作丁瘡也

治丁瘡腫毒五香湯方

沉香壹兩 楓香兩 藿香兩 雞舌香兩 香木兩

射干兩 川升麻兩 鼈甲兩 藍實兩 川大

黃生犀角兩 屑壹兩 貝齒拾枚 烏梅拾四枚

右件藥細剉分為兩劑以水壹斗五升煎

至壹斗淋浴腫毒處神效

治丁腫內消棘刺散方

棘刺五十枚 生黑豆黃四十枚 亂髮三雞子大 緋

絹三條每條闊三寸長五寸

右件藥將棘刺等三味分作三分以緋絹

壹片裹棘刺百了用髮少多纏緋帛令周

匝牢固餘兩段並摠相似裹之於炭火上

燒令煙盡細研分為三服空心以溫酒半

盞調下壹服半日後瘡四邊肉軟舒適即

差半日不覺可更壹服必差差後無有觸

犯如有即生二五箇赤黑膿窠不觸犯者

七八日當差勿輕之
 又方亂頭髮三兩蛇蛻皮三兩曲鈎棘針三兩露蜂房三兩緋絹二尺右件藥相和分作四分用緋絹各裹以麻纏之於炭火內燒令煙斷細研日三服以溫水調下二錢○直指方生髮蛇皮洗比蜂巢皂莢刺各半右以緋絹壹尺分作四片分裹上件藥髮繩札之灰火燒帶性並為細末每壹錢空心酒調下

治了瘡生肌拔毒蒼耳膏方

蒼耳子二合荆芥子二合葵子二合黃蠟拾兩木香壹兩白狗糞壹兩石長生壹兩當歸壹兩黃芩壹兩藁本壹兩玄參壹兩丁香壹兩乾馬齒壹兩雄黃壹兩蝦蟆灰壹兩乳香壹兩右件藥細判以豬脂三斤煎三二十沸濾去滓次下乳香蠟又煮三兩沸候冷入雄黃蝦蟆灰攪令勻以瓷器盛密封每使塗於故帛上貼日二度換之

又方屋上蜂窠

七枚

亂髮

如拳大壹枚

緋絹

五寸

燒灰

右件藥合研令勻每腹空時以溫水調下

二錢

治惡腫丁瘡及雜瘡方

皂莢

壹兩去黑皮塗酥

麝香

壹分

右件藥擣細羅為散入麝香和勻以人糞

少許和如泥塗封五日後開之根自出矣

治丁腫毒氣方

蛇皮灰

貳

露蜂房灰

貳

右件藥擣細羅為散每服壹錢

備預百要方貳錢

以溫酒空腹調服晚再服之

治丁瘡無問雄雌方

鐵粉

兩

蔓菁根

三兩

右二味和擣如泥封腫上日二換之

治丁腫皮肉突起如魚眼狀赤黑疼痛方

以白馬牙齒燒作灰細研先以針刺瘡令

破以灰傅之上用麴封却候腫軟用好醋

洗去灰其根當出便差

治丁瘡方

御醫撮要名附子膏主丁瘡拔毒

附子

去皮臍

巴豆

去皮

胡粉

已上各壹兩

右件藥搗細羅為末用烏麻油調如稠膏

先以鉞針於瘡四邊出血卽以藥封之其

四面亦以藥蓋勿令洩氣從早至午其根

自出

又方右以鬼傘形如地菌多叢生糞堆上見

日消黑者取燒灰以針刺瘡四邊至瘡際

作孔內藥孔中經宿瘡癢用鑷拔根出大

良

又方搗白欵末水調傅腫上神效

蒲頂白要方同

治丁瘡根入腹方右取母猪糞和水絞汁服

壹二合立差

治丁腫至甚蟻蝨心療之如神方

蝨心

破其腹下取之其內白色者是也

右壹物可及半兩研傅於腫上卽穴再易

之血根盡出卽差○是齋醫方治丁瘡蝨

蠅內擣傅安後不可食羊肉本草蠅所
 忌下機微義蠅心腹下肉在捕取不以
 多少貼瘡上半日許未可再上之血盡根
 出神效備預百要方劉禹錫云元和十壹
 年得丁腫衆藥無效用蠅心帖之壹夕
 百苦皆止明年食羊肉又大作再用得驗
 食羊大作者以蠅畏羊故也
 又方右以黑牛垢封之差
 又方右刮竹箭箨取茹作炷就上灸之二七

壯卽消

又方右用附子搗末醋和塗之乾卽更塗衛生

易簡方同

又方右以生薺芫根搗絞取汁塗之乾卽再

塗

又方柳枝葉壹束長三尺圍四尺

右細剉以水五斗煮取三斗去滓煎如飴

刺破塗之

又方右用益母草莖葉爛搗傅瘡上又絞取

又汁五合服之即丁腫內消
 又方右先灸瘡上三壯以鍾乳末六錢及醬
 粒和研傅水須臾拔根盡出
 又方右用白殭蠶搗為末水調衛生易簡方
 封之丁瘡根當自出

又方甘菊葉不限多少

右絞取汁服一小盞入口即効冬用菊根

○永類鈴方丁腫垂死菊葉一握捏絞汁

乙升入口即活神効冬則用根壽域神方

方備預百
 要方同

治魚臍丁瘡諸方

夫瘡頭黑深破之黃水出四畔浮漿起狹長
 似魚臍故謂之魚臍丁瘡也

治魚臍丁瘡疼痛不可忍宜用此神効方

淘河舌一枚天南星一分肉桂壹分去虺皮砒黃半錢

朱砂壹分巴豆五枚麝香半錢硃砂壹分

右件藥搗羅及細研為散川黃蠟并猪膽

汁相和消鎔為丸如菉豆大壹丸於瘡上

取穴為度其藥却收取每壹丸可醫五六人効

治魚臍丁瘡久療不差宜貼芫花根膏方

芫花根二兩猪牙皂莢五挺白礬三兩燒令黑汁盡細研

豆三合

右件藥用醋壹斗先浸芫花根及皂莢黑豆三日於釜中以火煎至二升去滓後却入鍋中煎至壹升入白礬末攪令勻去火成膏但是魚臍丹惡瘡攤於帛上貼口二

易之

治魚臍丁瘡如黑豆色者以大針針瘡四邊兼中央後宜此方

臘月猪頭一枚燒灰

右擣細羅為散以雞子清調令勻傅瘡上日三易之

治魚臍丁瘡其頭似白腫痛不可忍方

蛇蛻皮壹兩炙微黃雞子壹枚取清

右件藥以水一大盞煎蛇皮至六分去滓

入雞子清攪令勻更煎三兩沸頓服立愈
或以蛇皮灰川雞子清調塗之

大全本草

銅鑛石主丁腫惡瘡驢馬脊瘡臭腋石上水

磨取汁塗之其丁腫末之傅瘡上良

圖經曰崔氏療丁腫單用白薑石末和鷄子

清傅之丁自出乳癰塗之亦善

斷罐草主丁瘡合白牙莖

恥六反羊啼草也

菜青苔

半夏地骨皮蜂巢小兒髮緝帛並等分作

灰五月五日和諸藥末服壹錢匕丁根出也

唐本注云破丁腫開以人屎新者封之壹日根爛

孟詵云患丁腫中風疼痛者燒驢馬糞敷瘡

滿五十遍極効男子患未可及新差後合

陰陽垂至死取白馬糞五升絞取汁好器

中盛停一宿壹服三合日夜二服

外臺祕要救急治丁腫方斑猫一枚捻破以

針劃瘡上作米字封之卽根乃出
百膏方治丁腫以針刺四畔用榴末著瘡上
以麵圍四畔灸以痛爲度內末傅上急裏
經宿連根自出
食瘡主丁腫患火丹瘡龜葵和土杵傅之尤
良

食療患丁腫荆蒼壹把水五升煮取二升冷

分二服 出假蘇條

馬齒莧燒爲灰和多年醋滓先灸丁腫以封

之卽根出生搗絞汁服當利下惡物去白

虫

苦苣搗汁傅丁瘡殊驗青苗陰乾以備冬月
爲末水調傅亦可

是齋醫方

治丁瘡土鬼丹華宮使傳

金頭蜈蚣 壹條 銅綠 壹錢 膽礬 壹錢 烏魚骨 二錢

直指 麝香 壹方

右爲細末用針豚 音篤 蘸油摘藥在上如

瘡不破灸破用藥○直指方石細末以紙
撚蘸麻油粘藥引入瘡中如瘡頭硬即灸
破或針刺破然後入藥

直指方土良丹毒宜與

吳普下瘡證治

諸下瘡方

蛇皮土蜂窠燒帶性等分末

有賣絲酒調下

又方磁石於日中擣為細末再研醋調傳衛生易簡方此下云

根即立出差

嚴氏濟生方

腫瘡取散

二黃散

雄黃 雌黃等分

石二味為末先用針刺四圍及中心醋和

塗之壽域神方同○永類鈴方又云壹方加麝

香少許用羊骨針針破及刺四圍并塗之

修月魯般經後錄

黃凡丸治壹應丁疽瘡癰頻服愈有益効

明凡二兩好黃蠟壹兩

右將凡為末化開黃蠟和為丸如菜豆大每服三四十九丸白湯送下日進五服

宣明論

礪砂散治壹切疔瘡

礪砂少許雄黃

砒霜

天南星

各等分

麝香

右研為細末用竹針針開用藥到黃水出

瘡已

衛生易簡方同

聖力散治諸疔瘡腫

草烏頭白及白欽木鱉子皮金毛

拘攴

地竜

各二錢半

麝香

黃丹

少許

右研為細末用針針到生肉痛者用藥黃

水出為度

得效方

丁瘡

秘方治丁瘡

防風 細辛 甘草節 白僵蠶 青皮

黃連 羌活 獨活 蠲退 赤芍藥 等

成分醫方大成加獨脚茅

右剉散每服五錢先將壹服入澤蘭葉少

許薑壹兩同搗爛熱酒和服后用酒水各

半盞生薑二片煎服病勢退減後再入大

黃少許煎服下一兩楊蕩去余毒更用白

梅蒼耳干研爛貼瘡上拔去根脚此方以

藥味觀之甚若不疾大成切然有效梅連累

試之 醫方集成袖珍方永類鈴方與大成同

秘方治魚臍疔瘡

絲瓜葉 即虞刺葉 連鬚葱 韭菜

右同入石鉢內搗爛如泥以酒和服香貼

腋下如病在左手貼左腋下右手貼右腋

在左足貼左膝右足貼右膝如在中則貼

心臍並用布帛包住候肉下紅絲處皆白

則可為安如有潮熱亦用此法却令人抱

住恐其顛倒則難救矣 醫方大成集成袖珍方永類鈴

方壽域神方衛
生易簡方同

酒煎散治丁瘡

赤烏柏根 水根柳 水楊梅根 芴頭

根 紅內消 香白芷 各等分

右多為剉散酒煎旋入通明雄黃研爛同
服如瀉時瘡勢略退時只喫此藥若不瀉

再服通利藥

通利藥

黑牽牛 兩 炒乙 巴豆 拾五箇 大黃 五錢
去油 生用

右為米米糊圓如菜豆大初服七圓次五
圓第三服五圓如瀉不止喫白米粥及冷
水洗五心如壹服即瀉住服量人虛實與
服如人成服前二藥通再服后藥八十分
實者

大通藥

芫花 巴豆 大黃 荆芥 各等分
生用

右剉散白水煎壹沸便濾過空心服可留
藥滓再煎放若要瀉住再服壹服便住

連翹散瀉後用此

連翹 當歸尾 羌活 獨活 防風

赤芍藥 赤小豆 各五錢 大黃 二錢 木香 菇

蕘 茨菇 薄荷 紅內消 杜白芷

升麻 甘草 各三錢 忍冬草 各三錢 若潮不退加

黃芩 梔子仁 各三錢 朴消 四錢

右為末酒調服不拘時候薄荷湯亦可喘

加人參大病三四服愈如煩嘔甘草半兩

豆粉壹兩為末酸薑水下如割瘡去了疔

子止血用毛鐵甲為末傅

角瘡口方

霜梅 十箇 大黃 五錢

右為塊子用石灰炒過去石灰入黃丹三

錢為末乾糝瘡上

蟬蛻散治丁瘡最有功效用蟬蛻殭蠶為末

酸醋調塗四畔留瘡口俟根出稍長然後

拔去再用藥塗瘡 醫方大成集成補珍方 永類鈴方衛生易簡方

同

蟾蜍膏治丁瘡取蟾酥嚴氏濟生方壹枚以白麵黃

丹搜作劑圓如麥顆狀用指甲爬動瘡上

插入重者針破患者以壹粒內之乃以水

沉膏貼之取蟾酥法用癩蛇蛟於眉稜上

以手拔出酥於油紙上或桑葉上用新瓦

盛下然後插在背陰處經宿則自乾白於

鷺翎筒內盛之醫方大成集○永類鈴方

又云或加蒼耳子沒藥乳香血竭血竭真

者輕浮入口甜味

水沉膏白及末半錢水盞內沉下澄去水却

於皮紙上攤開貼瘡上袖珍方經

澹軒方驗良方同

丁瘡候藥乾掩起和丁取出

證有丁瘡最可驚殭蠶蟬殼等分停研為細

末醋調付藥乾重付即安寧

白及貴味為細末用糯米煎飯濃調服不拘

時候連服以效為度甚妙

衛生寶鑑

丙午歲予居藁城人多患丁瘡縣尹董公謂予曰今歲患丁瘡者極多貧民無力醫治近於史候處得數方用之無不効官給藥錢君當捨手醫之遂諾其請董公榜示通衢有患丁瘡者來城中羅謙甫處取藥如此一年餘全活者甚衆保生挺子千金托裏散神聖膏藥破棺丹凡四方至元戊寅歲董公拜中書左丞兼樞密院事保生挺子治丁瘡背疽癰癩壹切惡瘡水狀

金脚信

拔粹方烟霞雄黃聖効方 硃砂各

錢○拔粹麝香一錢○拔粹輕粉半大厘

方各三錢方一錢半 巴豆四十九粒文武火炒研

大厘三錢○拔粹方另研文武火

炮生用尤妙加蟾酥不用蠟正為末尤妙

右為極細末用黃蠟五錢聖効方 溶開將

藥和成挺子冷水浸少時取出旋丸捏作

餅子如錢眼人將瘡頭擦開聖効方用 安

壹餅子次用神聖膏貼後服托裏散若瘡氣入腹危者服破棺丹○瑞竹堂方治疔

瘡金脚信錢壹好雄黃錢二硃砂錢三輕粉半麝香錢壹巴豆四十九粒用文武火炮熟去皮殼右為細末用黃蠟壹兩溶開和藥成錠子水浸少時取出用藥時旋捏餅子如錢眼大將疔瘡用羊骨針撥開安藥在瘡口內以膏藥貼之無膏藥麵糊貼

神聖膏藥治壹切惡瘡

當歸各半藁本各半沒藥錢二黃丹錢二黃蠟各兩乳香錢二琥珀錢二白芨錢二膽礬錢二粉

霜各壹錢白膠香三兩清油一斤木鼈子五十箇去皮

巴豆十五箇槐枝各一百柳枝各一百條

右件壹處先將槐柳枝下油內熬焦取出不用後下餘藥熬至痛焦亦漉出不用將油澄清下黃丹再熬成膏用緋帛攤之立有神效

千金托裏散治丁瘡發背壹切惡腫

官桂 人參 甘草 川芎 香白芷 芍藥各一兩 木香 沒藥各三錢 乳香三錢 當歸錢

半連翹一兩二錢○拔黃芪一兩防風一兩

桔梗 厚朴各二兩 香白芷

石十五味為細末每服三錢酒壹大錢煎

三二沸和粗溫服無時

破棺丹治瘡腫壹切風熱

大黃二兩半芒消煙霞聖效方益稍二兩甘草各一兩

聖効方炙

右為末煉蜜丸如彈子大毒服半丸食後

茶清溫酒任化下童使半錢研化服亦得

忌冷水

二仙散治丁腫惡瘡太醫院李晉勾傳

白礬生用黃丹各等分一方加雄黃少許更捷

右各另研臨用時各抄少許和勻三稜針

刺瘡見血待血盡上藥膏藥蓋之不過三

易決愈

赤芍藥散治一切惡丁瘡癰疽腫初覺不消

憎寒疼痛

金銀花半兩大黃七錢赤芍藥半兩當歸 枳

實 甘草 各三錢

附右件入芫蕒大者壹箇同為粗末作四服

太每服水酒各壹錢煎至壹錢去粗溫服不

拘時 拔粹方右為籠末酒水各半煎

醫方類聚卷之一百七十八

二... 豆... 水... 李... 音... 內... 餘...